

1 Berdasarkan novel "Pelari Muda", lengkapkan sinopsis di bawah ini.

semangat	terperangkap	berlepas	pemberian
prestasi	melanggar	olahraga	terima kasih
bersara	johan	pelari	berjasa
dingin	mewakili	menginsafi	mengalami

Kamarul, iaitu murid tingkatan lima berbakat dalam bidang (a) _____. Dia telah dipilih mewakili negara dalam Sukan SEA di Brunei. Kejayaannya (b) _____ negara dan mengharumkan nama negara telah menjadikannya sombong. Dia jarang-jarang berbual dengan rakan-rakan di sekolah. Malah, dia juga telah bersikap (c) _____ terhadap Saridah.

Ekoran perubahan sikapnya itu, Kamarul mula tidak hadir ke latihan pusat kem olahraga kebangsaan. Adakalanya dia datang lewat. Kamarul bersikap angkuh dan yakin akan latihannya sendiri. Encik Kadir menasihatinya dengan mengatakan bahawa tindakan dia berlatih sendiri

(d) _____ disiplin. Namun begitu, Kamarul tidak menghiraukan nasihat Encik Kadir selaku jurulatihnya. Malah, dia bersikap kasar terhadap Encik Kadir dengan melemparkan pingat yang diberikan oleh jurulatihnya itu sebagai pembakar (e) _____. Selepas Kamarul melemparkan pingat itu, dia berjalan pulang. Oleh sebab tidak berhati-hati semasa melintas jalan, dia dilanggar oleh sebuah kereta. Dia pengsan dan tidak mengetahui apa-apa yang berlaku seterusnya.

Encik Kadir melawat Kamarul di hospital. Ketika itu, Kamarul sedang tidur. Ibu Kamarul memberitahu Encik Kadir bahawa Kamarul hanya (f) _____ luka dan bengkak urat. Encik Kadir mengatakan bahawa dia akan datang lagi pada waktu petang. Selepas 15 minit Encik Kadir pulang, Kamarul sedar dan mendapati Saridah ada di sisinya. Dia mengucapkan (g) _____ kepada Saridah kerana sudi mengunjunginya. Saridah memberitahunya bahawa Encik Kadir, Sures, dan Juriah berkirim salam. Saridah memberitahu Kamarul bahawa Encik Kadir baru sahaja pulang. Hatinya berdetik apabila mengetahui Encik Kadir mengunjunginya. Dia terasa ingin benar keluar cepat-cepat dari hospital dan menemui Encik Kadir.

Di hospital, Kamarul (h) _____ sikapnya yang sombong akan kejayaan dan popularitinya sebagai pelari pecut negara. Dia sedar bahawa kejayaannya sebagai pelari yang terkenal adalah atas bimbingan Encik Kadir. Dia turut sedar bahawa dia tidak patut melupakan Cikgu Zainal yang juga banyak (i) _____ terhadapnya. Sewaktu dia dibenarkan pulang, Encik Kadir telah menjemputnya. Kamarul mohon maaf daripada Encik Kadir.

Selepas keluar dari hospital, Kamarul telah turun berlatih. Kamarul berasa kecewa kerana (j) _____nya merosot. Sewaktu dia berada di bilik di rumahnya, dia melihat gambar jaguh-jaguh (k) _____ pecut luar negara. Dia melihat catatan masa yang pernah dibuatnya sebelum ini. Dia berazam untuk melakukan sesuatu supaya catatan masanya bertambah baik.

Kamarul dan kawan-kawannya akan berlepas ke Bangkok. Kamarul resah menunggu Saridah yang belum sampai. Saridah (l) _____ dalam kesesakan jalan raya. Selepas Saridah tiba, mereka pun (m) _____ ke Bangkok untuk menyertai Sukan SEA. Di sana, dia telah berjumpa dan berbual-bual dengan De Wega, iaitu pelari Filipina yang diminatinya. De Wega menasihatinya agar tidak bersikap sombong, menghormati jurulatih, dan berdisiplin.

Masa pertandingan pun tiba. Dalam pertandingan tersebut, Kamarul telah bersaing dengan pelumba dari Malaysia, Filipina, Brunei, Indonesia, dan lain-lain. Kamarul menjadi (n) _____ bagi acara 100 meter dan 400 meter. Dia berjaya mencipta rekod baharu Sukan SEA dan Sukan Asia. Encik Kadir menemui Kamarul dan menyampaikan secebis kertas dari tanah air yang mengandungi ucapan tahniah. Kamarul ingin mengembalikan pingat yang diberikan oleh Encik Kadir sewaktu dia hendak berlumba tetapi Encik Kadir memintanya agar menyimpan pingat tersebut sebagai kenangan. Encik Kadir memberitahu Kamarul bahawa dia sepatutnya bersara sebagai jurulatih tahun ini tetapi terpaksa ditangguhkan demi kejohanan Sukan SEA ini. Kamarul tidak menyangka bahawa Encik Kadir akan (o) _____ sebagai jurulatih.

Kejohanan Sukan SEA pun tamat. Sebelum pulang ke tanah air, Kamarul sempat bertemu dengan De Wega dan memberinya hadiah. De Wega juga membalas (p) _____ Kamarul dengan menghadihinya pingat yang pernah dimenangkinya. Setibanya di tanah air, Kamarul telah disambut oleh keluarganya, Saridah, dan kawan-kawannya.